



Broj: 06/3-50-1-76-36/11
Sarajevo 26.12.2011. godine

ZAPISNIK

36. sjednice Odbora za žalbe građana Parlamentarne skupštine Bosne i Hercegovine, održane 24.02.2012. godine

Tridestšestu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Ermin Pešto, Marijan Milićević i Hamida Karčić - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Opravdano odsutni bili su Borislav Radić i Danica Berić.

Sjednici su, također, prisustvovali Rasim Redžo iz Granične policije BiH i Medina Delalić iz Sektora za odnose s javnošću Parlamentarne skupštine BiH.

Sjednica Odbora počela je u 12 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 35. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavki na rad pripadnika Granične policije BiH, izvjestioci:
 - Hamida Karčić (broj: 05/2-50-13-28-36-2/12);
 - Ermin Pešto (broj: 05/2-50-13-28-36-3/12);
 - Amela Bašić (broj: 05/2-50-13-28-36-4/12)
3. Razmatranje Prijedloga Izvještaja o radu Odbora za žalbe građana za 2011. godinu;
4. Utvrđivanje Orijentacionog plana rada Odbora za žalbe građana za 2012. godinu;
5. Tekuća pitanja.

Dnevni red jednoglasno usvojen.

Ad.1. Usvajanje zapisnika sa 35. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 35. sjednice.

Ad.2. Razmatranje predstavki na rad pripadnika Granične policije BiH, izvjestioci:

- **Hamida Karčić (broj: 05/2-50-13-28-36-2/12);**
- **Ermin Pešto (broj: 05/2-50-13-28-36-3/12);**
- **Amela Bašić (broj: 05/2-50-13-28-36-4/12)**

Hamida Karčić je određena kao izvjestilac za predstavku broj: 05/2-50-13-28-36-2/12 od 23.01.2012. godine. Gđa. Karčić je upoznala članove Odbora sa sadržajem predstavke te Izvještajem o izvršenim preliminarnim provjerama, koji su dostavljeni od Granične policije BiH. Zaključeno je da je predmet obrađen detaljno, te da je utvrđeno da su navodi iz predstavke netačni. Nakon toga, članovi Odbora su *jednoglasno prihvatili Izvještaj o predstavci*, kojim se predstavka ocijenila kao neosnovana.

Ermin Pešto je, kao izvjestilac, zadužen za predstavku broj: 05/2-50-13-28-36-3/12 od 17.02.2012. godine. Nakon prezentiranja sadržaja predstavke, te Izvještaja o izvršenim preliminarnim provjerama, uslijedila je diskusija, te pitanja članova Odbora. Predstavnik Granične policije BiH dao je sva potrebna, dodatna, objašnjenja te su članovi Odbora na prijedlog izvjetioca, *jednoglasno prihvatili* Izvještaj Granične policije BiH u konkretnom slučaju i predstavku ocijenili kao neosnovanu.

Amela Bašić je, kao izvjestilac, predstavila predstavku broj: 05/2-50-13-28-36-4/12 od 24.01.2012. godine. Nakon što je prezentirala i Predstavku i Izvještaj nadležne agencije o izvršenim preliminarnim provjerama po predstavci, članovi Odbora su *jednoglasno zaključili* da je predstavka neosnovana.

Ad.3. Razmatranje Prijedloga Izvještaja o radu Odbora za žalbe građana za 2011. godinu

Mate Miletić je podsjetio članove Odbora na obavezu Odbora za žalbe građana da najmanje jednom godišnje podnosi izvještaj o radu Parlamentarnoj skupštini BiH. Otvarajući raspravu o Izvještaju o radu za 2011. godinu, napomenuo je da su od g. Radića i gđe. Beriće stigle pismene potvrde da se slažu sa sadržajem Izvještaja, te da nemaju primjedbi.

Ermin Pešto je iznio prijedlog da se u Poglavlju II. Odjeljku F. uvrsti informacija da su o posjeti Odbora Velikoj Britaniji, sadržaju, rezultatima i zaključcima obaviješteni predstavnici Državne agencije za istrage i zaštitu, Granične policije BiH i Direkcije za koordinaciju policijskih tijela. Prijedlog je *jednoglasno prihvaćen*.

Obzirom da drugih prijedloga nije bilo, Izvještaj o radu Odbora za žalbe građana za 2011. godinu *jednoglasno je prihvaćen*.

Ad.4. Utvrđivanje Orijentacionog plana rada Odbora za žalbe građana za 2012. godinu

Orijentacioni radni plan je *jednoglasno* usvojen.

Ad.5. Tekuća pitanja

Mate Miletic upoznao je članove Odbora sa informacijom da je USAID PSP osigurao neophodna sredstva za realizaciju posjete terenskim uredima SIPA-e i GP, te da bi se posjeta trebala realizirati u mjesecu martu 2012. godine.

Sjednica Odbora za žalbe građana završena je u 13:00 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić